



Broj predmeta: **13-002494/21**
Broj akta: 01.1-1413EK-0018/22
Datum, 8.2.2022. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14) a u skladu s članom 69. stav (2) tačka e) Zakona o javnim nabavkama («Službeni glasnik BiH», broj: 39/14) i Zapisnika o pregledu i ocijeni inicijalne/konačne ponude broj: 13-002494/21 od 4.2.2022. godine, gradonačelnik Brčko distrikta BiH
d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se postupak javne nabavke prema pregovaračkom postupku bez objave obavještenja za nabavku usluga održavanja javne rasvjete na području Brčko distrikta BiH za 2022. godinu za potrebe Odjeljenja za komunalne poslove Vlade Brčko distrikta BiH, koji je pokrenut na osnovu Odluke o pokretanju postupka javne nabavke broj: 13-002494/21, broj akta:08-1420MV-001/21 od 2.11.2021. godine i specifikacije usluga u vezi sa Tenderskom dokumentacijom broj: 13-002494/21, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

Obrazloženje

Prema pozivu za učešće u pregovaračkom postupku bez objave obavještenja od 30.12.2021. godine, krajnji rok za dostavljanje zahtjeva za učešće – predkvalifikacione dokumentacije je bio 6.1.2022. godine. Odjeljenje za komunalne poslove je dostavilo obrazloženje koji opravdava korištenje ovog postupka a koje pozivalo na primjenu člana 21. stav 1) pod c) Zakona o javnim nabavkama BiH. Ponuđač Javno preduzeće „Komunalno Brčko“ d.o.o. Brčko je dostavilo zahtjev za učešće u roku koji je definisan pozivom za učešće. Analiza predkvalifikacione dokumentacije je izvršena 11.1.2022. godine. Komisija je razmotrila dostavljenu predkvalifikacionu dokumentaciju sa aspekta prihvatljivosti ponuda prema obliku, sadržaju, potpunosti te načinu pripreme i dostave ponude i ustanovila je da je ponuda dostavljena u skladu sa zahtjevima iz tenderske dokumentacije. S obzirom da je komisija utvrdila da je ponuđač JP „Komunalno Brčko“ d.o.o. kvalifikovan ponuđač, upućen je zahtjev za dostavu početne ponude i pregovaranje. Krajnji rok za dostavu početne ponude je bio 18.1.2022. godine i istog dana je izvršeno i otvaranje početne ponude i pregovaranje sa ponuđačem. Komisija se usaglasila sa predstavnikom ponuđača oko toga da je predmjer usluga bio jasan i razumljiv, te da nije bilo nejasnoća prilikom pripreme ponude. Procijenjena vrijednost nabavke je bila 213.675,21 bez uračunatog PDV-a Utvrđeno je prilikom analize početne ponude da je iznos početne ponude iznosio 231.796,00 KM bez uračunatog PDV-a i bio je izvan okvira procijenjene vrijednosti nabavke, te je zahtijevano obrazloženje od strane ponuđača. Predstavnica ponuđača se izjasnila da su ponuđene cijene u skladu sa tržišnim cijenama i da je trenutno na tržištu došlo do rasta cijena repromaterijala, što neminovno dovodi i do rasta cijena u dostavljenoj ponudi u predmetu nabavke. Komisija je

zatražila od ponuđača da razmotre još jednom svoju ponudu, eventualno da pronađu mogućnost za sniženje cijena u konačnoj ponudi. Dostavljanje o otvaranje konačne ponude je bilo zakazano za 25.1.2022. godinu. Ponuđač je dostavio ponudu u skladu sa zahtjevima iz tehničke specifikacije – predmjeru usluga. Izvršena je računska kontrola i utvrđeno je da nisu postojale računske greške. Komisija je ustanovila da je ponuđač i pored zahtjeva za usklađivanjem ponude sa procijenjenom vrijednošću nabavke, dostavio cijenu identičnu sa početnom ponudom. Iznos konačne ponude je bio veći od procijenjene vrijednosti nabavke. Od Odjeljenja za komunalne poslove je zahtijevano dostavljanje izjašnjenja o ispravnosti procijenjene vrijednosti nabavke i raspoloživim sredstvima za finansiranje javne nabavke. Odjeljenje se izjasnilo da je procijenjena vrijednosti nabavke realna i da ne treba prihvatiti nabavku po navedenim cijenama kao i da ne postoji dodatna sredstva za finansiranje nabavke. Komisija za nabavke je dostavila preporuku ugovornom organu o poništenju postupka javne nabavke.

.POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenju za komunalne poslove,
3. Gradonačelniku,
4. Ponuđaču,
5. Službenom glasniku Brčko distrikta BiH“
6. Arhivi.

